



Broj: 04-40-1-115/26  
Sarajevo, 26.04.2026. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

### **REDOVNI IZVJEŠTAJ** za period od 08:30 sati 25.04.2026. do 08:30 sati 26.04.2026. godine

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 12 intervencija: gašenje kontejnera sa smećem, gašenje otpada na otvorenom prostoru, naručeno spaljivanje dimnjaka na ugostiteljskom objektu i devet intervencija obezbjeđenja (sedam pretakanja goriva na aerodromu i dva javna događaja).

**Općinski operativni centar civilne zaštite Stari Grad:** U skladu sa naredbama Štaba civilne zaštite Kantona Sarajevo, Općinski štab civilne zaštite Stari Grad organizovao je 24-satno osmatranje (monitoring) terena na ugroženim područjima od klizišta, lokalitetima Curine njive, Knjeginjac i Bistrički potok (teritorija Općine Stari Grad Sarajevo i Opštine Istočni Stari Grad), te kontinuiranu analizu i procjenu stanja na ugroženom području u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije stanovništva, ukoliko to situacija bude zahtijevala) i materijalnih dobara. Uposlenici Službe civilne zaštite Općine Stari Grad Sarajevo, na osnovu zadataka zaštite i spašavanja, dana 25.04.2026.godine, izvršili su obilazak i osmatranje terena na lokalitetima Curine njive, Knjeginjac i Bistrički potok. Cilj obilaska bila je procjena trenutnog stanja terena te identifikacija potencijalnih rizika.

Prilikom redovnog obilaska lokaliteta Curine Njive, utvrđeno je da nema značajnih promjena u odnosu na prethodni dan, te je stanje klizišta i dalje bez promjena. I dalje je prisutan kontinuiran dotok vode iz pravca deponije koji se ulijeva u drenažni kanal, pri čemu je na njegovom završetku uočen nešto pojačan protok. Na pojedinim dijelovima terena evidentirane su manje plavne površine, dok je u donjoj zoni klizišta, ispod igrališta, i dalje prisutna blaga, ali kontinuirana erozija i osipanje tla. Nisu uočene nove veće pukotine, dok je u tlu klizišta i dalje izražena povećana vlažnost.

Na lokalitetu deponije Knjeginjac nisu zabilježene značajne promjene u odnosu na predhodni dan. Prisustvo povećane vlage u tlu je i dalje izraženo, uz uočeno blago slijeganje u gornjoj zoni deponije. U

donjem dijelu evidentan je kontinuiran protok vode prema zoni klizišta, kao i stalna pojava plavnih površina. Također, nisu registrovana nova odlaganja zemljanog niti drugog materijala.

Na lokalitetu Bistričkog potoka korito je djelimično zatrpano zemljano-kamenim materijalom i obrušenim stablima. Nisu uočene nove degradacije, niti su poduzete aktivnosti na uklanjanju postojećih prepreka. U odnosu na prethodni dan, stanje bez većih promjena. U gornjem dijelu iznad mosta na području Istočni Stari Grad, i dalje je prisutno obrušeno kamenje i oborena stabla, što može utjecati na protočnost u slučaju povećanog vodostaja.

**Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave iznosila je 8°C, vlažnost zraka 61%, barometarski pritisak 943,7 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Zbog održavanja manifestacije „Prvenstvo BIH u maratonu“ danas će u vremenu od 7:50 do 13:15 sati dolaziti do etapnih obustava saobraćaja na sljedećim saobraćajnicama: Zagrebačka, Bulevar Ivica Osima, Topal Osman paše, Zmaja od Bosne, Bulevar Meše Selimovića, Vrelo Bosne, IV Viteške brigade, Hrasnička cesta, Vahide Maglajlić, Bulevar Mimar Sinana, Plavi put, Želimira Vidovića-Kelija, Šejha Huseina Bakri Gazaza, Safeta Hadžića, kao i u ulicama na području opštine Istočna Ilidža (ulice: 4. avgusta, Druge sarajevske brigade i Ravnogorska).

**Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH,** gradski, međugradski i željeznički saobraćaj se odvija po redu vožnje.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a